

北京圖書館出版社

清末時事新彙選

第五冊



(清末)時事采新彙選

第五冊

北京圖書館出版社

時事采新彙選

光緒二十二年二月

光緒二十九年二月初六日

工部鴻臚寺廂白旗值日無引

見

黃開甲謝加四品卿銜

恩

裕德延秀各請假

十日 恩佑續假五日

毓秀請假五日

工部奏

派查估

東西陵工程

派出葛寶華溥興

召見軍機

溥鏞

諭旨恭錄

光緒二十九年二月初六日

十一

圖章 錄四百五十號匯報三則

中國圖書鑄於石歐人鑄於金銀銅鋼其用亦與我不同往往以厚紙書公文契據等要件將圖章重壓紙上不用色料即於素地凸凹不平字跡昭著不能去之西人用圖章推埃及為最古舊約記埃王法郎擢若瑟為首相賜一手記考故家謂手記非他乃宰相之印因其時印鑄於戒指故以手記稱之此風相傳甚久數千年以來歐人常刻字於金銀曲之為圈佩於手指有事當畫押則以戒指上圖章重壓於紙以昭信實羅馬希臘二國踵埃人後亦以手記為圖章其國王之璽不鑄字而鑄御容如西國郵票然或又刻一二警語警語云者各王所擇格言刻於璽亦時事采新彙選第二卷 一 光緒二十九年二月初六日刊

書紳之意教皇有一璽鑄漁人狀鑲於戒指凡有大事發詔方用此璽其鄭重有如此古時希臘人植品清白者均有圖章希廷立法製章之匠不能留其副違者重罰初希臘二國遣使至他邦必授一印為全權之據如今國書然厥後郡守邑令等官皆有印至今仍之富羅馬盛時皇將崩喚其太子來前無子則喚其所寵嬖臣來前以所佩手記璽授之以為讓位大典其他王公紳富俱以手記為重其鑄人像無定式有刻先祖像者有刻邪神像者又有刻執友鳥獸像者各隨其所欲絕無定律近代泰西各國多尚筆蹟民間交易各自書諾又經書史記存故圖章之用日少除官場外幾如弁髦之乘

腳踏車記

嘉慶二十年始有西人創腳踏車其足不能離地法未盡善咸豐四年法人某改法製之今已愈出愈奇便於行駛勝於前十倍總計平常腳踏車各具其堅重之數立表如左

車具框 二十四枚 堅重 重約二十三華斤

舵叉 八十五枚 可受一千一百斤不損

踏蹬 一百一十枚 可載十人不損如第四圖

輪 二百六枚 其鍊可懸牛不損

鍊 三百九十枚 獨莖可受一萬六千斤

鞍 二十四枚

時事采新彙選 第二卷

二 癸卯二月初六日刊

共計 各具八百五拾二枚

天下乘腳踏車者約一兆人設使其一半於安息日出行總算其各人所經之路約長一百兆法里長於地赤道二千五百次美國舊金山地方邱壑崎嶇腳踏車不便行光緒二十五年該處人立會築腳踏車路一條高出地上三四尺不等長二十五華里左右障以欄每間十七丈置一電燈故黑夜渾如白晝此路接天神城與巴撒德納城每城設一任人租車今其路廣一丈四尺兩旁備板與大木如第一圖若貿易興盛須將車路擴充不煩另起爐灶其車自一輪至四輪不等大抵輪愈多則行愈緩多輪擦地沾滯故也以上乃言尋常之腳踏車別有矜奇好異之人

作種怪樣如光緒二十三年美人創最大腳踏車重不

下一噸約一千六百五十五餘華斤長一丈四尺餘須八人坐而動之方可行麥荊來友用之往來紐約波斯頓等處衆人風目後遂舉麥荊爲總統法京有人造極高極大之車主往往乘車出外使人觀看豔羨來購其車狀如第二圖法人奧地愛會創獨輪腳踏車輪周二丈餘輪輻凸出於外人坐其中如第三圖因車太重略嫌臃腫不靈光緒十三年法將胡大意創四輪車用於鐵路俾小工往來易於照料一點鐘可行六十五華里俄人自光緒十九年用三輪車二面有常踏之二輪對面可置重物美人更於車上繫小器若干以備賄賂物光緒二十四年有莫爾費者乘

時事采新彙選 第二卷

三 癸卯二月初六日刊

腳踏車隨鐵路而行因火車在前阻空氣衝攔故腳車尤速一分鐘可行三里即不滿一分鐘行英六里

逆算奇法

人之歲數不自言明他人必難知之真確今有一法能令人不言己之歲數而知之無訛其法書字六行如上圖令他人指其歲數在第幾行譬如其人云我之歲數在一三五行即觀一行上係一字三行上係四字五行上係十六字合爲廿一即知其人廿一歲又如有人云我之歲數在二四六行即觀二行上係二字四行上係八字六行上係三十二字以二八及三十二相疊知其人四十二歲以後恒如此只觀其歲數在第幾行上有之須全指出若漏

去一行不指則不符合不知者訝為先知其實乃愚人以術也

論松口防疫經費正月十三日新聞報

權者無定價者也故有捨財以得權者亦有措財以爭權者稍吝於財即失於權中外大小交涉外人從不吝財而惟權之是爭良以此也松口防疫所經費大半出自有疫口岸來船及疑其為有疫口岸之來船每船捐銀二十五兩以充經費乃今觀領袖事致上海道函則以各輪船公司以為由其捐輸不甚公允嘖有煩言且以為各國各口所設防疫所經費概出自國家並據工部局聲稱願認助銀壹千兩之譜云云觀其函中所言一若輪船公司甚時事采新彙選第一卷

四 癸卯二月廿六日刊

為客財者一若工部局甚願捨財者夫每船捐銀二十五兩為數甚微輪船公司何以吝此區區使中國亦客財而推諉之曰防疫所可由各輪船公司自行籌款設立吾知各輪船公司必不稍吝客雖過於二十五兩而無怨蓋防疫所之設最不便於輪船之往來若能藉此得權其利甚溥是則其吝者即其措財以爭權實與捨財以得權者同一意也故中國今日正宜不稍吝客惜以爭回松口防疫之權驗疫之權雖似細微然而華人在外洋各島所受驗疫諸苦聞者酸鼻七年松口防疫所辦法行道者亦嘖有煩言可知防疫一事雖似細微然苟權不在我則華人之困苦悲痛殆不勝言且非特困苦悲痛已也實足以致人心之

渙散蓋士民見大官眷屬之被欺於驗疫而無可如何則親敬之念愈疏也故曰權無定價即驗疫之權亦不能視為細微也觀於上海道覆函歐美各邦防疫所經費章程皆由各國自籌自辦其故有二一凡船隻之往來各國口岸者各該國皆有權管理並由國家自立祛疫保安章程勒令遵照二凡船隻之往來各國口岸各該國可勒令完

納保安專捐即將此項捐輸籌辦醫藥及該口防疫之用而凡各國之船隻之往來中國各口岸者歷年甚久從未伸此事權亦未勒令完納此項保安專捐以資經費云云即可知互市之初於船隻之往來口岸中國失管理之權今日即不能自立祛疫保安章程勒令遵照亦不能勒令完納保安專捐是則今日若失防疫之權即他日所失口岸之權有甚於防疫者也至工部局於松口防疫事向不捐款今乃願捐銀一千兩觀於工部局新定公共租界防疫章程即可知其命意所在故中國若失此不圖則松口防疫之權恐將折而入工部局之勢力圈矣今上海道雖願照舊勉籌華醫女醫生薪水以及驗疫坐船員并薪糧願仍須俟南洋大臣及外務部允准竊謂南洋大臣及外務部雖未必阻止而我則更有進者則願防疫經費悉出自海關而爭回防疫之權也夫地方無疫癘商務必興盛於關稅有大益地方有疫癘商務必凋敝於關稅有大損海關正不必年惜此二萬餘金而況其有無價之權關係之

五 癸卯二月廿六日刊

時事采新彙選第二卷

也

勸戒預防痘疹

錄正月二十二日順天時報二則

近來痘疹盛行京師內外之地凡有子女者無不爲之寒心大父母之情固宜然也然其不講防救之策而徒燒楮獻牲祈神寺觀則不可不謂迂疎之甚也

凡疾病之于人身也有基于父母之遺傳者焉有因不講攝生之方而發者焉有因接觸病毒而傳染者焉要之與關帝釋伽娘娘玉皇等始不相涉也不窮其病源之所在而徒叩頭祈庇于於木偶泥塑之前抑非迂疎之太甚者何也如此而欲防疾病于未然不猶緣木而求魚乎雖然愚婦之迂疎尚可憫可恕也而與夫書香世胄亦比比皆時事采新彙選第一卷

六 癸卯二月初六日刊

然其何等無識何等狂愚吾雖欲責之亦不之屑也

曩者出血痘流行之候也吾輩竊謂以衛生一事中國人常輕忽視之如至今而猶無所戒告則將有使滿都窮窶如花之子女悉化爲醜貌不忍視者亦未可知也幸法蘭醫院有種痘者以防于未然之美舉吾輩爰是登此事于報端聊以有所戒告焉爾來痘疹之行日甚一日矣而病魔一襲不但使毛牆西施一夜而變爲鳩盤茶或將有奪其性命者而顧觀其父母之所施爲求冥庇於木偶泥塑者而已矣未會見一人有謂法國醫院而種痘者也適或有之則亦不過與外國人相往來者之子女也抑不知中國子女之父母其果眞愛其子女乎以吾輩觀之不幸惟

見有犬馬之愛而未會見眞有人間之愛者也其非果何在平曰罪在不信外國之醫術也蓋近世外國醫術之進步實有可驚者也乃去年以爲不治之症者在今年則忽發見治之之術其術之精妙豈啻如神乎哉蓋神亦不能企及也況外國於種痘一事百年之前已發明矣而其術亦夙傳入中國矣然而中國人之間陋不但不信之方一併嫌棄之而不顧焉乃逢有子女之罹痘疹亦空倚賴無靈之木偶泥塑而舉最可愛之子女而徒任病魔之蹂躪而無悔矣夫果何心也木偶泥塑果如有靈亦應驚倒於此輩之不仁也

吾輩熟視天下之人其痘痕滿面者之多未有甚於中國時事采新彙選第一卷

癸卯二月初六日刊

者也長安十萬家且試一點檢之每戶必有一人之花面者是無他父母不仁因有可救之道而竟棄之不顧也如能使父母固陋之心一旦猛省則痘痕滿面之醜子女蓋至蕩然而無存也況痘疹之可畏者不但花顏玉貌變爲面目可憎之態至於病性之猛烈者則舉其性命亦將不誘之夜夢而不止焉亦可慘矣況今之所謂出血痘者於痘疹中亦最惡之性者乎如之何而可也曰使中國子女之父母先去其固陋而後請中國醫生精於種痘者防患於未然如中醫中不幸乏人則請外國醫生之在京者亦可蓋不問洋之東西不論人之黃白其所以爲人則一也已爲人矣乃有病則醫有以治之也今也外國醫術萬

人願信以爲最良最精矣況種痘一事固出外國醫生之發明乎延外醫調治亦何所顧慮乎

要之子女也者實國家之公有決非父母之私有也爲父母者宜爲國家玉成之也乃固陋之心適以瓦碎之豈止不仁抑亦國家之大不忠人也寄語爲天下之父母者請三思之

泰西雜俎

蟻之力量能引行大於己五十倍以上之物

美國哈巴特大學自開辦以來已出大統領三人

歐洲婦人所用之洋紅原料爲冶容之用者每年約五百噸

時事采新彙選

第二卷

八

時卯二月初六日刊

歐羅巴全洲傳布基督教之教會有二百四十九個其宣教師有一萬六百〇七八

現今世界上之電信局約有十四萬四千五百所

每日打電之數約一百二十五萬通以上

美國最近之統計其財產過二百萬圓以上者有三千

伍百四十六家

德國全國女子之數多於男子九萬

英國昨年一年其郵便局所遞之信共二十三億二千

三百六十萬封

法國五十九人中有富兵者一人德國八十九人中一

人英國一百人中一人

英國每年有七百人誕生於航海中者埃及最豐饒之地每一英方里能養九百二十八人猶有餘力

昨年一年間由加拿大遷居於合衆國者一萬二千人由合衆國遷居於加拿大者壹萬七千五百人

盲人之數女子多於男子女子爲一與九之比例男子爲一與十一之比例

大鯨之舌每一枚可取出鯨油一噸

德奧二國共有割烹之專門學校百五十所

蘇彝士運河每年來往之船平均有三千八百艘每艘貨物之重量平均有五十噸

時事采新彙選

第二卷

九

時卯二月初六日刊

世界之湖以西比利亞之卑加爾湖爲最深其最深之處有四千五百尺湖面高於海平線千三百五十尺湖

底則低於海面平均約三千尺

歐洲每年患肺病而死者百五十人

歐洲言語共有伍百八拾七種

瑞士之旅館位於高出海面六千五百尺以上者有四所專利撫之最多者以電氣王埃的遜爲世界第一

昨年計算共有七百四十五個

自一千八百六十年至一千八百七十年之英間國每年增加鐵路平均爲五百一十英里近來則每年增二

百一十英里

各國皇室之歲買額以土耳其為最多每年約三千萬圓以上

去年土耳其民虐殺基督教徒之事凡一千五百九拾九件執凶手正法者僅六拾一件

美洲一年間產雞卵八億五十萬個平列之可繞赤道拾一匝

晴天一日全地球之日中車約走一億萬英里能繞地球四千週

視力之敏銳以蜜蜂為最

公世界每年所產之糖共八百萬噸其四百五十萬噸出於甜菜三百五十萬噸出於甘蔗

時事彙編選錄第二卷

十

癸亥二月初七日刊

英國人之生涯以中壽六拾年計之睡眠二拾年食事三年零九月動作十七年半遊樂七年半散步與運動六年零三月修容之時刻二年半修容之中而面七月洗面拾一月修飾衣服壹年此外談然兀然無所事者約兩年半

光緒二十九年二月初七日

內務府國子監廂紅旗值日吏部引

見五十八

名世續錫光良沐各假滿請

安恭王祥普

各續假五日英慈請假十日

掌儀司奏十一

日祭

奉先殿繡貝子行禮

召見軍機世續

諭旨恭錄

光緒癸卯二月初七日

北洋銀元總局暫行試辦章程 第一條 總綱

第一條 中國向用寶紋碎錠平色雜一諸多不便嗣經仿照墨西哥制度鑄造龍元爲一時權宜之計現值整頓國法亟應通籌全局以期收回利權茲擬分作伍等龍元以便官商通用其圓徑約比墨西哥式加十分之一

第一等銀元庫平一兩用足色庫平銀九成紫銅珠一成第二等重伍錢用紋銀八六成紫銅珠一四成第三等重二錢第四等重一錢第五等重五分均用紋銀八二成紫銅珠一八成分別配鑄庶可廢兩而爲元逐漸擴充通行日久則無論部庫及各省官商均祇用本時事采新彙選第二卷

一 癸卯二月初七日刊

國銀幣不用他國銀幣以保自主利權而寶紋碎銀亦儘可收羅鎔化矣

大小銀元成色係照各省原奏定章配合至日本前次考定成色係一兩及五錢者均按九成足銀二錢一錢及五分者均按八成足銀配合應否照此奏改伏候憲示祇遵

第二條 鑄造銅元仿照外國銅仙分爲三等惟龍紋字樣不同第一等每枚重庫平四錢當制錢二十文第二等每枚重二錢當制錢十文第三等每枚重一錢當制錢五文此項三等銅元均用紫銅九十五分白鉛四分點錫一分配鑄查第二等銅元於市面最爲適用現值

開創伊始擬先鑄二等銅元俟規模大定漸次擴充再行續造一等三等俾資周轉

第三條 本局初創鑄銅元暫行合辦將來再分廠擴充現在用人從減以後事務增劇再酌量稟請增添現擬設提調一員繕寫司事一名總收支一員稽核所司事一名造報所司事一名雜務帳房司事一名銀庫一員物料庫一員煤廠司事一名驗磅司一員總筆機器一員如用洋機師此員可省應添繙譯一員較準廠一員包封過平司事二名鑿模鎔爐帳片撞餅光邊烘洗印花七處記工司事共八名修櫛木樣翻砂熟鐵鍋爐五處記工司事二名稽查處驗發司事一名化驗處兼繪時事采新彙選第二卷

一 癸卯二月初七日刊

圖司事一名書識四名武弁總巡查一名守銀庫一名看物料庫事一名分段巡查一名夜間巡更一名聽差六名茶房四名廚役二名長夫二十名史夫八名前項員司既各有專責仍仿照粵省章程除本事之外另兼一二事名目以備各處遇有事忙之時可以抽調幫助且使各員司藉資歷鍊數月後盡成熟手不致有乏才之憾但兼事不兼薪水以杜趨避

第四條 本局專司鼓鑄講求工作務須精益求精以期中外信用流通其有關弊竇之處尤宜防杜淨盡現擬局中所需銀銅鉛錫以及烟煤焦炭均歸支應局預備本局概不經手講辦本局鑄成銀銅各元仍整批解交

支應局兌收本局概不經手交易以清界限

第五條 凡銀銅鉛錫隨時由支應局領到先交化驗處洋員化驗定明成色再發廠照章配台分批鼓鑄及鑄成銀銅各元仍由化驗處洋員隨時抽提化驗倘成色稍有不符合應即銷燬車鑄並根究該員司匠徒分別罰辦

第六條 支應局所發銀銅鉛錫如經化驗處驗明不合用應准送回另換如本局所解銀銅各員支應局查明成色不足應送回本局由化驗處查驗根究以昭核實

第七條 本局員司各有專責逐日經理均關銀錢出入事繁責重祇求樸是耐勞不尙官場習氣並不拘官階

時事采新彙選 第二卷 三 癸卯二月初七日刊

大小總以量材器使爲主擬請薪水津貼量爲從優除不稱職者隨時調撤外其能勤慎奉公者年終擬做優等省章程計其資勞量加薪水酌給花紅以示鼓勵

第八條 本局爲銀錢重地自應加意防閑以昭慎重所用聽差長大吏夫祇敷守庫看門送信運物及院內支更等事擬稟撥巡警兵若干名于局廠四面設立應卡畫則巡查彈壓夜則輪流支更以資防護

經費

第一條 本局初開規模尙待擴充經費難以預定擬暫由支應局請領節動用按月核是造報俟將來擴充已定再行估計領支活支數目分別稟定常年經費

第二條 本局經費由支應局請領每月收到支應局撥款若干開支員司匠徒夫役人等薪工及一切局用並購買各項物料若干分款騰清須於每月底結數造冊具報

第三條 凡應付各款均須憑條呈總會辦批准後始能照發此項憑條按日彙存以便隨時查核

第四條 凡局內所有正項甲款均歸總收支處經理無論銀洋錢隨時登記總流水一本五日一結呈總會辦核閱後即分款騰清以五日爲限

第五條 局用雜費等項均歸雜物帳房經理無論銀洋錢隨時登記總流水一本五日一結呈總會辦核閱後

時事采新彙選 第二卷 四 癸卯二月初七日刊

即分款騰清以五日爲限

第六條 員司薪水每月十四日各員墨領呈總會辦批准由總收支處照發概免扣建其差弁夫役薪工半月一發每至十四月底兩日中雜務帳房開單呈總會辦批准後於下午放工時點名發給均扣小建

第七條 匠徒薪工半月一發每月十二二十八兩日先由稽查處及各廠員司將加工告假應罰應領實數詳註冊內連查工簿送稽核所核符再交雜務帳房照數預備於十四日兩日點名照發

第八條 無論何人薪工均須到期經總會辦批准後方准支領不准透支倘有挪借惟該管員司具向

廠事

第一條 每日兩次上工各廠員司應到在工匠之前預備料理發給工作至每日兩次放工之時各廠員司應將經手事件一一料理妥貼將除活檢收入櫃封鎖如有短少照章攤賠並督率匠徒各關窗戶各鎖廠門鑰匙歸廠員經管

第二條 各廠員司值工作之時各有職守非奉公事不准離廠即因要公出廠必須知照他員代管其事不得隨意出入亦不得兩員同時並出所管匠徒私自出廠該員司失察者記過該員司有約束匠徒之責尤當自重不得在廠嬉笑口角吸食烟酒

時事采新彙選 第二卷

五

癸卯二月初七日刊

第三條 各廠員司應各設查工簿按日將匠徒工作逐名登記每晚收工後送提調處轉呈總會辦閱其有該廠機件較多者應將機件編列號數分隸匠名以便考察各匠動情遇有過失亦便檢查

第四條 各廠事務股繁員司各有專責凡出入帳目頭緒極多必須歸總核算免錯悞應在總收支處附設稽核所造報所稽核所專司查對覆核等事造報所專司彙造報銷等事均由總收支委員率同經理第五條 各廠帳據結算後應送總收支處發交稽核所核對如有錯悞退還原處更正俟核覆後蓋章轉呈總會辦察閱

第六條

各廠及總收支處銀庫物料庫等處凡有交涉銀銅各元及各材料者均應設立連環簿據隨時核對以免錯悞而杜弊端該簿據應蓋騎縫印並標明頁數呈總會辦蓋章發給該管員司領用

第七條 各廠須用物料均由各廠開聯單註明因何事用送提調處簽准始向物料庫照領該庫隨即登帳註明某廠某事需用逐日送提調處轉呈總會辦閱以上各廠總章

第八條 較準廠每晨開工時員司到廠驗封開鎖後將各廠領取銀銅料銀銅板銀銅片銀銅瓦銀銅元等項照簿當面彼此過平發給隨時收發互相過平登簿蓋

時事采新彙選 第二卷

六

癸卯二月初七日刊

章

第九條 較準廠逐日收工時將鎔化捲片撞餅光邊烘洗印花各廠發造已成未成以及報廢之件會同銀庫分別過平核數封鎖已成者送存銀庫未成者會同各該廠員司寄存外庫均彼此登簿互相蓋章次日照簿發給

第十條 較準廠所收印成銀銅元每百元用西毛紙包裹小繩扎捆每日共收銀銅元若干開三聯單編號留根送交銀庫會同點收彼此登簿互相蓋章並將單呈報總收支處查核

第十一條 較準廠每晚將逐日所發銀銅鉛錫及收回

鎔成銀銅板烘洗搖撞坯並印成銀銅元及廢片廢餅廢元等數開報總收支處核符送提調處轉呈總會辦閱

第十二條 較準廠每日午後開三聯單編號留根送總收支處驗明蓋章赴銀庫領銀銅等項會同化驗處眼同配合成色其配合應以化驗處驗準核定之成色作算計應鎔若干兩若干兩應編列號數以便次日挨號發給鎔化廠領取工作

第十三條 鎔化廠晨開工由較準廠領取配成銀銅各若干兩計若干兩鎔成後將銀銅板若干條重若干兩銀屑若干兩火耗若干兩開單交較準廠互相過平核符領取之數相數彼此登簿互相蓋章

時事采新彙選 第二卷

七

癸卯二月初七日刊

第十四條 碾片廠每晨開工由較準廠領取銀銅板若干條重若干兩捲成後須查碾片時片上加油必有溢重共溢重若干須載明簿上以抵搖洗處消耗並開單將銀銅片交較準廠互相過平核符領取之數相數彼此登簿互相蓋章其碾各種圓片既各有厚薄鋼制仍須時常試春一餅隨手過平重則改薄輕則改用該廠應設小春餅機小天平以備試驗

第十五條 撞餅廠暫兼光邊廠每晨開工由交準廠領取捲成銀銅片若干條重若干兩撞成並光邊後將殘缺不圓者剔出剪斷分別好壞若干枚重若干兩廢壞

重若干兩開單交較準廠互相過平核符領取之數相數彼此登簿互相蓋章

第十六條 烘搖洗廠每晨開工由較準廠領取已光邊銀銅坯若干枚重若干兩各重若干兩烘洗後將破綻不圓及烘洗不淨者剔出分別好壞壞壞各若干枚各重若干兩核明烘洗耗若干兩開單交較準廠互相過平核符領取之數相數彼此登簿互相蓋章

第十七條 印花廠每晨開工由較準廠領取洗淨銀銅坯若干枚重若干兩印成後將銀銅元若干枚並印廢銀銅元若干枚各重若干兩開單交較準廠互相過平核符領取之數相數彼此登簿互相蓋章該員司須時

時事采新彙選 第二卷

八

癸卯二月初七日刊

常留心察看凡領來銀銅元坯如有不圓不淨者以及印花後有花紋不明或裂紋者均應剔出另繳以便重鎔

第十八條 鑒模廠關係最要務須精細工緻該管員司尤須嚴密封鎖逐日收發工作必須親自經手交付隨即詳細登簿應將大小各項鋼模背面編刻號數挨次發用凡印花廠鋼模遇有損壞須經該管員司驗明銷毀然後送繳鑒模廠以舊換新逐號登記以上內八廠專條

第十九條 修機廠員司暫兼翻砂熟鐵木樣鍋爐等廠事應設查工簿按日記工並設立收發物料簿將逐日

所領物件發交何匠作何事用詳細載明並設立成法計工簿每五日一結分別各項成活將所用工料核明登記送提調處轉呈總會辦查覆以上外五廠專條

第二十條 凡鑄成銀銅元每屆繳解之日銀庫委員即將應解詳細數目填寫報單交總收支處核明送提調處轉呈總會辦閱後交文案處辦理文批派員并解交支應局領取批迴存案

第二十一條 凡鑄造銀銅元需用銀銅鉛錫隨時由銀庫查明奴目稟知總會辦應於三四個月前咨會支應局代辦俟請領到局先在帳準廠會同銀庫過平彼此登簿蓋章後收存銀庫並開報總收支處如數登記照

時事采新彙選

第二卷
九
民國二年七月

給收條以上銀庫專條

第二十二條 化驗處凡由支應局領來銀銅鉛錫經銀庫過秤照收後由化驗處酌提化驗除不合用者仍退回支應局外其合用者應標明成色分起編號存儲記簿俟發較准廠時仍由化驗處驗明照章配合按號發明再行發到鑄化廠至鑄成後以及印成銀銅元後仍由化驗處逐次抽驗如有成色不符應令銷燬重配重鑄並按號籤明報知總會辦著該員司追查該工匠有無弊端分別核辦以上化驗處專條

第二十三條 本局除鑄銀銅元之銀銅鉛錫應歸支應局代辦外其餘別項零星物料無關銀銅元成色出入

者由本局自行採買必須在三四個月前預備應由物料庫隨時開單呈請總會辦核定派員購辦以免停工待料惟此項物料若需價銀在千兩以外者應先稟奉督憲批准後再行採辦

第二十四條 物料庫收發物料名目繁多宜分款按日登記收上後連各項憑單送提調處呈總會辦閱每月總結一次造四柱清冊先送總收支處核符後送提調處呈總會辦閱

第二十五條 烟煤焦炭為大宗隨時由物料庫查明數目稟知總會辦應於三四個月前咨會支應局代辦俟請領到局由物料庫委員會同煤廠司事過磅彼此登簿蓋章並送總收支處如以登記照給收注以上物料

時事采新彙選

第二卷
十
民國二年七月

庫專條

第一條 監廠員司專管內工料等事凡匠徒之勤惰工作之精粗暨各廠動用物料須一一考察並設立各廠查工簿將匠徒逐日所作何工有無告假及未到工等情一一註明簿內送提調處呈總會辦察閱

第二條 廠外稽查各事由稽查處驗籤司事於每日兩次上工時發給名籤逐一稽查其有未經領籤者即係未到廠作工當查明幾名逐日開單呈報註明某廠某匠或上午未到或下午未到或本日未到各字樣呈請總會辦批閱將原單發交稽核所俟月底調取各廠查工簿逐細查對核扣工食

光緒二十九年二月初八日

理藩院鑾儀衛光祿寺正藍旗值日吏部引見

七十七名 立侯沈家本各假滿請 安 善旌

請假十日 奎俊續假十日 良泰續假五日

召見軍機 清銳

皇上明日卯初二刻進內升 中和殿看版畢還海

上諭世鐸等奏倭林保任意偷安再行嚴參一摺內廷當

差人員應如何勤奮趨公無曠職守乃近來值班各員

動輒請假實屬不成事體至委散秩大臣倭林保前經

領侍衛內大臣以該員玩誤要委奏參當經降旨交部

議處現復傳差不到任意違玩尤屬荒謬倭林保著開

議旨恭錄

光緒二十九年二月初八日

一

去委散秩大臣差使並交部嚴加議處以儆其餘嗣後
各該員等務當振刷精神力圖奮勉毋得仍前玩泄自
干咎戾欽此

北洋銀元總局暫行試辦章程 續昨稿

第三條 每日兩次放工時由驗發司事搜香夾帶將來

廠多人衆良莠不齊難免無偷竊物料携帶出廠情事

其在廠內監查員司固應認真留心考察而稽查處任

出入總門之處尤須格外嚴查如有搜出物料夾帶者

立即稟明究辦

第四條 每日工作機以十點鐘為率常補算年扯長短

如截春季天氣漸長每晨六點半開工十二點放午飯

後一點半開工六點停歇一日共作十點夏季天氣最

長每晨五點半開工十一點半放午飯後一點開工六

點半停歇一日共作十一點半秋季天氣漸短每晨七

時事采新彙選 第二卷

一 癸卯二月初八日

點開工十二點放午飯後一點開工六點停歇一日共

作十點冬季天氣最短每晨七點半開工十二點放午

飯後一點開工五點停歇一日共作八點半似此移夏

補冬一日作工十點尚不過於緊迫

第五條 各廠匠徒總榜懸稽查處其各廠查工處並設

分榜每上工前五分鐘時該匠徒等向稽查處總榜上

各領名簽進廠挂本廠查工處分榜之上即行工作至

放工時各將名籤取出仍挂稽查處總榜此項名籤必

須自領自挂不准代替如有代替情弊初次查出本人

與代替人各罰五十二次罰半月三次斥革

第六條 匠徒進廠以先有稽查處簽者查一次進

廠後復有監廠員司互相稽查其有未到工者稽查處榜上名籤未能發盡及本廠分榜上名籤亦未掛齊一目了然無可弊混如匠徒上工來遲已過時刻稽查處即不准給籤進廠早晨遲悞則扣上午半工下午再給籤工作午後遲悞則扣下午半工

第七條 匠徒進廠工作若非因公概不准出廠如已進廠或又混出一經監廠員司或稽查處查出初犯罰工半月再犯即行稟請其因事故或此廠往彼廠取物必須回明監廠員司以照籤酌定時刻方准出廠若不回明領籤雖有公事亦照私行出廠議罰如假公出廠潛匿他處偷安取巧或過限不回廠或在廠工作任意嬉笑

時事采新彙選 第二卷

一 癸卯二月初八日刊

玩侮以及口角爭吵等事均應查明稟罰以肅廠規

第八條 全廠機器以鍋爐汽機為主匠徒工作以响汽為號該管鍋爐生火匠應查知爐內水數倘水不足而生火致蹈危險者罰辦該匠較別項工匠須先兩點鐘到工生火將鍋爐燒熱方不致耽延全廠工作倘工人到而汽不足有誤開工者議罰至每日兩次開工應在先半點鐘放呵一次以催各匠預備到工第二次响汽即全開工惟所定時刻均以總公事房鐘為準不得稍有參差其放响汽亦歸鍋爐匠兼管該匠如有錯誤時刻擅違定章應稟明罰辦

第九條 匠徒官衣照章每年發給單衣棉衣各一套每

日上工更衣到廠後管廠員司即行封門茶鑪所均在廠內安設該匠徒及廠夫人等一概不許擅自出入第十條 收工時封鎖廠門事關緊要外廠以修機廠為首領內廠以校準廠為首領應由該管員司於未放工之先標就封條及放工時各匠散盡監視匠役上鎖加封鑰匙即由該員司收存其啟廠門時亦由該員司携帶鑰匙到廠驗看封條有無揭損痕迹再飭匠目揭封開鎖以昭慎重

第十一條 每日兩次放工各工匠人等須將經手銀錢交清本廠員司並將所用器具檢點齊楚方准出廠不得一間號聲遽行離工倘有遺失定著賠繳

時事采新彙選 第二卷

三 癸卯二月初八日刊

第十二條 各廠務須潔淨其機器油膩及手用各器並各爐座應用該管員司責成該匠徒時常擦抹乾淨各機地段亦須掃除不准拋棄雜物至廠內空間地方以及院落並玻璃窗門應由內外廠首領員司督飭廠夫時常打掃揩拭

第十三條 廠內作工理宜嚴肅尤應禁止閑人以防弊混匠徒到廠乃作公家之工辦公家之事即不能自由自主遇有親友家屬探視及有私議等情概不准入廠計議以誤工作須俟放工後或在各匠宿食處或在他處會面方可如有不遵即行嚴究

第十四條 機器器具等件各廠員司應飭匠目各立一

簿每月底查點一次如有損壞應及時修補倘因匠徒粗心損失應責令該匠徒賠償或罰扣工食

第十五條 各廠需用物料由該管員司領發務須隨時考察督率匠徒遵節愛惜不得任意浪費違者重罰

第十六條 各匠徒均須殷實鋪保具結存案倘有偷竊逃匿等事惟鋪保是問

第十七條 匠徒往往在此工作又往他處謀事希圖工價加多竟不告而去倘他處不成仍復回此工作此種惡習情實可恨其弊不可在杜該匠徒應於初入廠時取具切實保狀訂明如有不守廠規藉端告退等情應責成保人將所得局中利益除工食外均應賠繳倘該

時事采新彙選 第二卷

四 癸卯二月初八日刊

匠徒家中實有要事須由保人証明因何事故請假幾日回明稽查監廠各員方准離廠假滿即應回廠若未請假便不到工或過期不回均惟保人是問如過期始回應查明情節議罰

第十八條 匠徒長年作工若不休息易於疲乏故泰西有禮拜休息日乃取七日來復之章現參酌從前東南兩局章程每月朔望各休息一日端午中秋各放工一日年節例於二十三日歇工各修各廠機器二十五日一律放工至新正月初旬擇日開工約計放工十餘日如休息及三節期內有趕造緊要之件留匠工作均按工給價朔望放假一日不扣辛工如半日內曾經告假者

除扣假日辛工外並將朔望日辛工一併扣發

第十九條 各匠徒有犯廠規應由該廠員司具明情由報知提調稟請總會辦酌罰幾工即知照稽查處督該員司註明工册照扣核報

第二十條 匠徒工作自應賞罰兼施匠役眾多體質不一難免不受災病或在廠生病或放工後生病均須報明監廠委員查驗如該匠平時工作勤謹向守廠規酌量病之輕重稟明給予病假免扣工食如期滿病仍未痊不能工作自當照扣工食於體恤之中仍寓懲勸之意以資觀感

第二十一條 各員司概不准在廠私造物件及私向匠徒借貸各匠徒無論何時均不准餽送禮物違者重罰

第二十二條 匠徒進廠工作平日恪守廠規毫無過犯兼能愛惜物料工作亦頗勤奮俟年底由監廠委員指陳實事秉公稟請酌加工食或另提花紅量予獎員

第二十三條 工匠住房之設原為體恤匠徒離家太遠往來不便之故只准匠徒本人居住夜間應派員巡查如有面生之人應即究辦工匠設有親族探望道遠難回須先告知巡查處方可留宿僮未經告知應將該工匠照罰凡經本局開除之人一概不准留宿違者重罰各工匠尤不得聚賭違者准未賭之人告發僮不舉報一經查覺即將此屋之人無論已賭未賭均罰

五

癸卯二月初八日刊